



LENTŠU GO TŠWA GO MOHLANKEDI MOGOLO

Leloko le le Rategago

Ga go na pelaelo gore Ma-Afrika Borwa a sepelasepela mo tikologong yeo e lego boima ya tša ekonomi. Ge o ikwa gore o seemong seo se sa hlwago se kgonega, lemoga gore ga o noši. Le ge e le gore dinako tše boima di ka nna tša ba di le kua pele, ke nyaka go go gopotsa gore o dirile tšwelopele ye bohlokwa go netefatša gore o rola modiro o phuthologile ka tša ditšhelete, ka go no ba karolo ya Old Mutual SuperFund. Mošomo wa rena le pono ya Boto ya Bahlokomedi ba SuperFund ke go thuša go godiša dipolokelo tša gago tša go rola modiro le go go thuša go dira dikgetho tše kaone leetong la gago la go rola modiro.

Taba ye go bolelwago kudu ka yona mo intastering ya go rola modiro e sa dutše e le Tšhepedišo ya go Rola Mošomo ya Dipitša tše Pedi ye e šišintšwego ya Matlotlo a Setšhaba. Le ge letšatšikgwe di phethagatšo leo le šišintšwego la tšhepedišo ye mpsha e le la 1 Setemere 2024, SuperFund e tla tšwela pele go go tsebiša ka ga di-bjang le ka ga mabaka afe go lebiša pele le ka morago ga letšatšikgwe leo. Gopola, tšhepedišo ye ya maikemišetšo a mabotse, yeo e tlogo šoma fela go meneelo ya dipolokelo tša tšhelete ya go rola modiro go tloga ka Letšatšikgwe di go šoma, e tla hlohleletša Maloko go boloka ditšhelete tša ona tša go rola modiro go fihla ge a rola modiro gomme ka nako ye tee e a dumelele phihlelelo go 1/3 ya dipolokelo tša ona tša go rola modiro ka ngwaga wa motšhelo. Re hlohleletša Maloko go bona se bjalo ka mohuta wa "letlole la tšhoganetšo" leo le tlogo go dumelela go lefelela ditschenyegelo tše di sa letelwago, gomme e sego letlole leo o ka kgonago go ntšha tšhelete ka mabaka afe a mangwe le a mangwe. Ka mo go kgonegago, re nyaka gore o godiše sekhwama sa ditšhelete bakeng sa go rola modiro ga gago gore o kgone go

phela ka boiketlo, le ka seriti le ka go ikemela mengwageng ya gago ya ge o itšofaletše.

SuperFund e ikgafile go fa Maloko maitemogelo a mabotse kudu ao a kgonegago. Ke ka fao phetogo ya setitšithale e lego maikemišetšo a rena a pele a leano la rena leo le lebantšwego Maloko. Naa o be o tseba gore o ka latedišiša boleng bja dipolokelo tša gago tša tšhelete ya go rola modiro le go bona Setatamente sa gago sa Dikholego, gare ga tše dingwe, ka polokele le gona 24/7 ka Old Mutual Secure Services le WhatsApp? Se se bolela gore ga o sa hloka go letela thušo go hwetša tshedimošo yeo o e hlokago. Bakeng sa dikgato tše di tletšego tša ka moo o ka ingwadišetšago Secure Services le go fihlelela SuperFund go WhatsApp, ka kgopelo bona tlhahli yeo e tsenyeleditšwego mo lengwalong le, la ditaba.



Re sa le gona moo, go boloka dintlha tša gago di mpshafadišwe le Letlole go bohlokwa gore o hwetše tshedimošo ye bohlokwa ka ga dipolokelo tša gago tša go rola modiro le go fihlelela dipolateromog tša rena tša setitšithale. Ge e ba dintlha tša gago e le tša kgale gomme di se tša felela, o ka fetwa ke tsebišo ye, e bohlokwa. Ka kgopelo iphe metsotswana ye mmalwa go mpshafatša tshedimošo ya gago ya kgokagano le Letlole. O ka dira se le Mongmošomo wa gago, ka tirišo ya app ya My Old Mutual, mo go Secure Services, goba ka go leletša sehlopha sa tirelo ya bareki sa SuperFund mo go 0860 50 60 70.

Ipsineng ka go bala gomme le dule le bolokegile mo nakong ye ya Keteko.

Fiona Reynolds
Mohlankedi Mogolo: Old Mutual SuperFund

RE TITŠITHALE! Nolofatšo menwaneng ya gago

SuperFund e fana ka kgetho ya go itirela ye e bolokegile go le ye bonolo ka Old Mutual App (yeo e hwetšagalago go Android le iOS), Secure Services le WhatsApp.

Three columns detailing app features: Mo go app ya Old Mutual, o ka; Mo go Secure Services, o ka; Mo go WhatsApp, o ka.

Dula o lebeletše emeile goba SMS go tšwa go rena kgauswinyane. Re tšile go go kgopela gore o ingwadiše mo polateromong ya rena ya Secure Services go netefatša gore o ka fihlelela potofolio ya gago ka polokego.

DIPOELO TŠA NYAKIŠIŠO MALOKONG: RE BOTŠIŠITŠE, O ARABILE!

Re lebogela ge o tladitše Nyakišišo ya rena ya morago bjale ya Maloko a SuperFund!

Re tšeela godimo ditshwaotshwao tša gago gomme re tla be re di šomiša go kaonafatša ditirelo tša rena le go dira gore maitemogelo a gago a boleloka a be kaone le go feta.

Tše dingwe tša ditemogo tše bohlokwa tše re ithutilego tšona ke tše:

Illustrations of people with statistics: 60% tša batho bao ba arabilego di ile tša bolela gore di a tseba ka tšhepedišo ya Dipitša tše Pedi. 54% tša batho bao ba arabilego di ile tša bolela gore di tšile go ntšha tšhelete go tšwa Karolong ya bona ya Dipolokelo ge fela go hlokega. Go feta 70% tša batho bao ba arabilego di ile tša bolela gore di rata go amogela tshedimošo yeo e nago le dintlha ka botlalo ka ga tšhepedišo ye ya Dipitša tše Pedi go tšwa go SuperFund ka emeile.

GO AROGANYA NNETE LE KANEGELO: DIKGOPOLO TŠE DI FOŠAGETŠEGO TŠE DI TLWAELEGILEGO MABAPI LE TŠHEPEDIŠO YA GO ROLA MODIRO YA DIPITŠA TŠE PEDI

Comparison chart between nonwane and nnete with 3 points: 01 Ke tla swanelwa ke go kgetha go tšenala Tšhepedišo ya go Rola Modiro ya Dipitša tše Pedi. 02 Dipolokelo tša ka tša go rola modiro di tla nyamelela ge Tšhepedišo ya go Rola Modiro ya Dipitša tše Pedi e thoma. 03 Nka se lefe lekgetho mo ditšheleteng tše ke di ntšhago go tšwa go Karolo ya ka ya Polokelo.

NAA O LEKOTŠE SETATAMENTE SA GAGO SA DIKHOLEGO TŠA LELOKO?

Ka Oktobere 2023 SuperFund e fane go Maloko ka setatamente sa semmušo sa dikholego. Setatamente sa gago sa Ngwaga le Ngwaga sa Dikholego tša Maloko (MBS) se go bontšha gore o dira gabotse gakaakang ka tšhelete yeo o e bolokilego ya mohlano rola modiro. Mo go MBS ya gago, o tla hwetša maemo a go ngwalwa ka khoutu ya mebala a SuperFund "RAC (Khubedu, mmala wa namune, talamorogi)", ao a tlogo go thuša go tseba ge eba o sa le tseleng ya mkgwa wa bophelo wa go rola modiro wo o nyakago ka le lengwe la matšatši.

Boemo bja ka bja go rola modiro ke bofe?

Retirement status guide with color-coded boxes (RED, AMBER, GREEN) and a flowchart showing progression from RED to AMBER to GREEN with advice to increase future contributions by Rxx per month.

Go bohlokwa go sekaseka setatamente sa gago ngwaga o mongwe le o mongwe go kgonthiša gore o sa le tseleng ya go fihlelela dinepo tša gago tša go rola modiro.

Go hwetša tshedimošo ye nngwe gape le go fihlelela MBS ya gago ka WhatsApp goba mo go Secure Services, lebelela kgokagano ya rena ya morago bjale ya MBS mo.

KE KA LEBAKA LA ENG O SWANETŠE GO TLATŠA GOBA GO MPŠHAFATŠA FOROMO YA GAGO YA TŠHIŠINYO YA MOHOLEGI

Bjalo ka leloka la letlole la go rola modiro, ge go ka direga gore o hlokofole pele o ka fihla mengwageng ya go rola modiro, Bahlokomedi ba SuperFund (Boto ya Taolo) ba swanetše, go ya ka molao, go bona gore ke mang yo a swanetšego go amogela tšhelete yeo o e bolokilego ge o rola modiro (yeo e bitšwago "Kholego ya Lehu").

O ka ba thuša go netefatša gore batho ba maleba ba thekgwa ka ditšhelete ka go tlatša foromo ya gago ya tšhišinyo mo goba mo go Secure Services. Ge o feditše, ka kgopelo efa lapa la gago le/goba Mongmošomo khopi gore e bolokwe gabotse.

Lekola le go mpshafatša Foromo ya gago ya Tšhišinyo ya Moholegi kgafetša kgafetša, kudukudu ka morago ga ditiragalo dife goba dife tša bophelo tša go swana le lenyalo, tlhalo, go godiša bana, pele, bj.bj. Go kwešiša mkgwatshepetšo wa dikleime tša lehu ka go naba, kgotla mo.

Re šomile le go lefa 48% tša dikleime tša mahu ka 2023 go feta ka fao re dirilego ka 2022 gomme re rata go swarelela maemo a, a tirelo. Ye nngwe ya ditšala tše bohlokwa tše re ka dirago se ke ge e le gore Foromo ya gago ya Tšhišinyo ya Moholegi e feletše ebile e le nakong.

NAA O SWANELEGA GO HWETŠA KHOLEGO YEO E SEGO YA DIRELWA DIKLEIME?

Kholego yeo e sego ya direlwa dikleime ke tšhelete efe goba efe ya mkgobo wa tšhelete goba kholego ya phenšene yeo e swanetšego go lefelwa leloka la letlole la go rola modiro (goba mo/baholegi ba gawe) yeo e dulago e se ya direlwa kleime lebaka le itšego, go ya ka Molao wa Ditšhelete tša Phenšene.

Hwetša ge eba o swanelega go hwetša dikholego dife goba dife tše di sa kleingwago go tšwa go Old Mutual ka go kgotla linki ye.

Morago ga moo, kgetha CHECK NOW ->

Tsenya dintlha tša gago tša motheo tša motho ka noši gomme o kgotle "check".

Goba ge o nyaka, leletša 0860 455 455 goba 0860 33 77 77.



METHOPO YA LELOKO

Ka kgopelo kgotla mo dikonoping tše lego ka mo tšase go bala tše dingwe gape.

Central hand icon surrounded by six callouts: Naa Mongmošomo wa ka o lefa meneelo ya ka ka nako? Nthuše go kwešiša ka fao Kholego ya Lehu e šomago ka gona. Bala ka ga ditemogo tše bohlokwa go tšwa go Kopanokgolo ya SuperFund ya 2023. Nthuše go kwešiša dipolokelo tša ka tša go rola modiro go se nene. Ntsebiše ka botlalo ka ga Tšhepedišo ya go Rola Modiro ya Dipitša tše Pedi ye e šišintšwego. Lebelela mpshafatšo ya dipeeletšo ya Q3.

BALA DIKGOKAGANO TŠA RENA KA POLELO YA GAGO KA GO KGOTLA GA TEE BALEKADI!

Table with 2 columns: Service Name and Languages (English, IsiXhosa, IsiZulu, Sesotho, Sepedi, Afrikaans).

You can view your profile and access other services using one of our digital solutions

Icons for Secure Services, WhatsApp 0860 933 333, 0860 20 30 40, superfund@oldmutual.com, Old Mutual App, Google Play, App Store, and AppGallery.